

A *rub*a


A *nta*ño

MANUEL VIANA E PIONERO DI AVIACION ANTILLANO

MANUEL VIANA E PIONERO DI AVIASHON ANTIYANO



El Loening PJ-ZAA ku a hasi e promé buelonan entre Ruba i Korsou. Aki bon e promé envelop di érmel entre Ruba i Korsou.



Manuel Viana

E ciudadano rubiano sr. Manuel Viana ta nos pionero di aviashon. Viana a kumpra un avion, ku a keda destrui totalmente dos luna despues, pa un biento fuerte ora ku un orkan a pasa hopi seka di Ruba. Viana a bolbe kumpra un avion, e biaha aki un Kinner Bird ku dos stul pa \$ 5.000,-, hunto ku su sosionan sr. Jim Massey i sr. James Hathway.

Nan tabata hasi buelo di sightseeing pa \$ 5,- riba e isla, pero Viana su interes tabata bay mas ayá i el a kumpra un Loening Amphibian di Standard Oil Company (Creole) na Venezuela, ku un kapasidat pa 12 pasahero. El a logra pasatur 'red tape' i a haya permit pa hasi vuelo regular entre Ruba i Korsou, únikamente te ora ku KLM bin Korsou. Cura Cabai tabata su

épport i por a baha tanto riba tera komo riba awa. Tabatin dos buelo pa siman, ku tabata dura 45 minúti i kasi semper nan tabata yen.

Ora SNIP a bin Korsou na desèmber di 1934 KLM a ofresé Viana \$ 3000,- pero el a nenga i a regal'é na su amigu Joe McCord i a parkeer e avion, kaminda nunca mas por a bolbe us'é.

INDEPENDIENTE òktober 1989

Den e revista INDEPENDIENTE di Stanley Cras a aparece un interesante artículo cu tin su lugar den nos Aruba Antaño. Aki ta unda nos por mira e prome envelop airmail cu a tuma vuelo entre Aruba y Corsow. E ciudadano Sr. Manuel Viana (q.e.p.d.) a bira e pionero di aviacion. Viana a cumpra un avion, cu a keda destrui totalmente dos luna despues, door di un biento fuerte ora cu un horcan a pasa cerca di Aruba. Viana a bolbe kumpra un avion, e biaha aki un Kinner Bird cu dos stoel pa \$5000.-, hunto cu su socionan Sr. Jim Massey y Sr. James Hathway.

Nan tabata realiza vuelonan di sightseeing pa \$5.- riba e isla, pero Viana su interes tabata bay mas allá y el a cumpra un Locking Amphibian di Standard Oil Company (Creole) na Venezuela, cu un capacidad pa 12 pasaheros. El a logra pasa tur 'red tape' y a haya permiet pa haci vuelo regular entre Aruba y Corsow, únikamente te ora cu KLM a yega Corsow. Cura Cabai tabata su airport y por a baha tanto riba terra komo riba awa. Tabatin dos vuelo pa siman, cu tabata dura 45 minuut y casi semper nan tabata yen. Ora SNIP a yega Corsow na December di 1934 KLM a ofrese Viana \$3000., pero el a nenga esaki y a regalé na su amigu Joe McCord y a parkeer e avion, caminda nunca mas por a bolbe usé. Aki a ser publica foto di e Loening PJ-ZAA cu a haci vuelonan entre Aruba y Corsow. Otro foto cu a ilustra e prome envelop cu a bay airmail di Aruba pa Corsow. Tambe nos a mira e foto di Sr. Manuel Viana. Un gran persona cu a comparti grandemente cu e comunidad arubiano como un verdadero arubiano.